

# बच्चे मनै दे सच्चे

सुषमा रानी



# बच्चे मनै दे सच्चे

सुषमा रानी



हाइब्रो पब्लिकेशनज़

बाड़ी ब्राह्मणा, जम्मू

# Bachche Mane De Sachche

by

Sushma Rani

Copyright © 2021 Sushma Rani

All rights reserved

*Published by*

Highbrow Publications

78/11, Near Pahlwan Food Mall

Bari Brahmana, Jammu

*e-mail*

highbrowpublications25@gmail.com

*Printed at*

Classic Printers, National Highway

Bari Brahmana, Jammu-181133

Mobile : 94191-49293

*Books Printed*

200 copies

*Price*

₹ 200

*Publication Year*

2021

*Designed and Set by*

Vinay Sharma

No part of this book shall be reproduced or transmitted in any form or by any means, mechanical, including photocopying, recording or by any information retrieval system without written permission of the author.



## मेरे पासेआ

कुरसै बी भाशा दी तरक्की च पाठकें दी भूमका दा इक खास ते टकोह्दा थाहर हुंदा ऐ। पाठकें बगैर भाशा दा विकास होई पाना संभव नी होई सकदा। पाठकें दी कमी डोगरी भाशा च ते है गै बो होर बी मतियां सारियां भाशा ऐसियां होनियां न जिंदे आस्तै पाठकें दी कमी इक चिंता दा बिशे होनी, पर डोगरी भाशा च इसदा इक टकोह्दा कारण एह् रेहा ऐ जे डोगरी साहित्य दी इमारत खढ़ेरदे बेल्लै इसदी नीहें गी ध्याना च बी रक्खेआ गेआ।

कुरसै बी इमारत गी खढ़ेरने बेल्लै पैहलें नीहें दी खुदाई करियै उसदी बद्ध कोला बद्ध मजबूती पर ध्यान दित्ता जंदा ऐ, तां जे इक मजबूत इमारत खढ़ेरी जा।

सियारस्तें च घिरी दी साढ़ी डोगरी भाशा गी नीहें बगैर छत खढ़ेरने दे लगातार प्रयास होंदे रेह् न ते होऐ करदे न। पर इस दियां नीहां पक्कियां करने बारै अजै तक दे प्रयास कोई संदोखजनक नी आखे जाई सकदे।

एम.ए., एम. फिल. जां पी.एच.डी. दियां डिगरियां जिन्नियां अपने आस्तै फायदेमंद होई सकदियां न, उन्नियां भाशा आस्तै नी होई सकदियां। भाशा दी भलाई आस्तै पैहलियें जमातें

कोला स्कूलें च डोगरी गी इक सब्जैक्ट दे तौरा पर लागू करना बड़ा जरूरी ऐ। तां गै नींह मजबूत होग ते पाठकें दी कमी आहली चिंता बी अपने आप दूर होई जाग। साढ़ा लिखे दा साहित्य, गीत, गज़लां, कवतां बगैरा जिसलै अस आपूं लोकें गी सनान्ने आं तां लोक उं'दा पूरा-पूरा मजा लैंदे न ते पसन्द बी करदे न पर जिसलै ओह आपूं पढ़दे न तां ठीक चाल्ली पढ़ी नेई सकने करी कवता दा ओह मजा उं'नेई नेई थोंदा ते उं'दी साढ़े लेखन प्रति दिलचस्पी बी नेई बनी पांदी।

पैहलिएं जमातें कोला बच्चे जिसलै डोगरी पढ़ना शुरू करडन तां उं'नेई भाशा दी जानकारी होग ते अगें चलिचै उं'ऐ बच्चे साढ़े पाठकें च निरंतर बाद्धा बी करडन। इस आस्तै साहित्यकार, कवि, लखारी अपने आसेआ पूरे-पूरे प्रयास बी करै करदे न ते साहित्य दी बखरी-बखरी बिधाएं दे कन्नै-कन्नै बाल साहित्य रचने आहलै पारसै बी बड़ी मती रुचि लै करदे न ते डोगरी दे बाल साहित्य खजाने च दिनो-दिन बाद्धा करै करदे न।

डोगरी साहित्यक खजाने दी बाल साहित्य क्यारी च चमुखे विधा गी लेइयै इक खूबसूरत पोथी बच्चे मनै दे सच्चे हत्थें च दिक्खियै बड़ी खुशी मसूस होआ करदी ऐ। डॉ. सुषमा रानी होर इस पोथी दियां लेखका न ते इस पोथी च कुल 79 चमुखे न। बच्चें दी उमर ते उं'दी रुची गी ध्याना च रखदे होई बड़ी खूबसूरती कन्नै इ'नें मोतिएं गी इक माला च परोने दा प्रयास कीते दा ऐ। सुषमा हुंदा एह प्रयास बड़ा सफल ते सराहनेजोग प्रयास ऐ। इंदे आस्तै इ'नेई शुभकामनां ते कन्नै मतियां-मतियां मबारखां।

कवता पारसै इ'दा रुझान बधै करदा ऐ ते कवता च दिनों-  
दिन नखार बी आवै करदा ऐ। इस बाल संग्रैह कोला पैहलें  
सुषमा हुं'दियां पंज कताबां छपी चुकी दियां न, जि'दे च पैहली  
“डोगरा लोक संस्कृति” (लेख संग्रैह) दूई “रूप बसंत” (लोक  
कथें दा संग्रैह) त्रीऽ कड़वे घूंट (डोगरी थमां हिंदी अनुवाद)  
चौथी ढां. दिल्ली दे कींगरे ते पंजमी आओ खेढ़चै।

“बच्चे मनै दे सच्चे” सुषमा हुंदी इस पोथी दे छपने कन्नै  
डोगरी बाल साहित्य दे खजाने च चेचा बाद्धा होआ ऐ ते इसदे  
कन्नै बच्चें दा डोगरी आह्ले पारसै रुझान बी जरूर बधग।

में इक बारी परतीयै सुषमा होरें गी इदे आस्तै मुबारखवाद  
दिन्ना ते मेद करना जे ओह् अपने लेखन गी निरंतर जारी  
रक्खन ते डोगरी साहित्य च इससै चाल्ली अपना जोगदान  
दिंदियां रौहन।

बिशन सिंह दर्दा







## भूमिका

मनुक्ख जिसलै दुनिया च औंदा ऐ तां संसारी प्रपंचें शा बिल्कुल बेलाग सच्चा-सुच्चा ते पवित्तर आत्मा होंदा ऐ पर जि'यां-जि'यां ओह्दा मेल-जोल, व्यवहार दूएं लोकें कन्नै बधन लगदा ऐ तां उस उप्पर लुब्ध-लालच, हेरा-फेरी ते चलाकी दियां मैलियां परतां जम्मन लग्गी पौंदियां न। इस च हरानी आहली कोई गल्ल बी नेई कीजे समाज च रौहने आस्तै ते जिम्मेदारियें जी नभाने आस्तै एह सब मता नेई थोहड़ा गै सेही, पर करने गै पौंदा ऐ, कीजे ज्याणें उप्पर इस चाल्ली दी कोई जिम्मेदारी नेई होंदी ते कन्नै उ'आं बी अजें संसारिक मैलू दी परत बी नेई चढ़ी होंदी इस करियै इ'दी अपनी गै इक सच्ची-सुच्ची दुनियां होंदी ऐ जेहड़ी खाने-पीने ते सारा-सारा दिन खेढने दी धुन उप्पर चलदी ऐ। इससै करियै ते आखदे न 'बच्चे मनै दे सच्चे'।

डोगरी साहित्य जगत नित नमियां मंजलां तैह करदा जा करदा ऐ ते नमीं सिर नमीं ते इक कोला इक सुआई कृति पाठकें तगर पुझा करदी

ऐ। पर अजें बी बाल साहित्य उप्पर संदोखजनक  
 कम्म नेई होए दा ऐ। स्कूल मेरा बारता बघें  
 कन्नै ऐ इस करियै मेरा रुझान बाल साहित्य  
 पारसै किश मता ऐ। इस शा पैहलें बी में दो  
 बाल नाटक लिखे हे ते हून में कोशश कीती ऐ  
 चमुखे लिखने दी। बाल साहित्य उप्पर जिसलै  
 में किश डोगरी कताबां पढ़ियां तां मिगी लग्गा  
 जे में बी इस चाल्ली दी कोशश करी सकनियां।  
 तां में आदरजोग बिशन सिंह दर्दी होरेंगी अपने  
 चमुखे सनाए तां उ'नें मेरा मार्गदर्शन करने दे  
 कन्नै-कन्नै मिगी कताब छपोआने दी राऽ बी  
 दित्ती। चमुखे लिखना दरअसल में इ'ंदे शा गै  
 सिक्खेआ हा। इसकरी में इ'नेंगी अपना गुरु  
 मन्ननी आं। मेद ऐ मेरी एह कोशश तुसेंगी  
 पसंद औग।



1.



चिड़िये-चिड़िये चूग चगायां  
घर मेरै बी आहलड़ा लायां  
सुन्न-मसुन्ने घरै च साढ़े  
चैहको रौला मुड़ियै पायां ।



2.




मम्मी नै मास भुन्ने दा  
दंद भञ्जी गेआ मुन्ने दा  
दादू जी कोई करो जुगाड़  
जां नमां लुआई देओ सुन्ने दा।





3.



बापू मिगी खड़ालीं लेई दे  
चन्नै दी इक बाली लेई दे  
इक-दो खेढ़ ते लैनी नेइयों  
मिगी पूरियां चाली लेई दे।



4.



आओ रलियै कसमां खाचै  
गैहलीं-महल्ला साफ बनाचै  
खाल्ली थाहरें बूहटे लाइयै  
चपासम सारा शुद्ध बनाचै।



5.



रानो साढ़ी बड़ी प्यारी  
बडलै लांदी पोचा ब्हारी  
करदी निं एह बिंद बसांऽ  
झट्ट बनाई खलांदी न्हारी।



6.



गुड्डे दा असें ब्याह् रचाया  
 रुस्सेआ मामा ब्याह् निं आया  
 भापू निकलेआ बड़ा स्याणा  
 मामें गी उ'ल्ले झट्ट मनाया।






7.



लाल सूही ते पीली लैनी  
मांस में नमीं फ्राक लैनी  
दप्पटी भाएं कनेही बी होऐ  
चप्पल अड्डी आहली लैनी।




8.



चाचू खाल्ली लारे लांदा  
कुलफी नेई मिगी कदें खलांदा  
कंजूस सिरे दा मक्खी चूस  
तां गै मीं ओह बिंद निं भांदा।



9.



गुड़िया मेरी बड़ी हुशियार  
नित्त परोंदी हिरखी हार  
बड़ी लाडली सभनें दी  
रखदी साफ अंदर बाहर।



10.



दादी मीं कोई कथ सनाऽ  
जां कोई शैल जेई लोरी गाऽ  
रोज समांऽ में तेरी कन्नै  
कर हां ऐसा कोई पुआऽ।





11.



आओ रलियै कसमां खाचै  
मन कुसै दा नेई दखाचै  
भलेआं तज्जियै बैर-बरोध  
हिरखै दा संसार बसाचै।



## 12.



देस डोगरा अत्त प्यारा  
 इसदा सुंदर रूप न्यारा  
 जिंद करा कुर्बान इदे पर  
 एह मेरी अक्खीं दा तारा ।



13.



अस देसै खात्तर जीने आं ते देसै खात्तर मरने आं  
बैरी दिये कुनीतें गी, अस झट्ट नकाम करने आं  
अमन शांती-भाईचारे दी भारत सदा मसाल रहेहा  
जान तली पर धरियै म्हेशां इसदी राखी करने आं।



14.



मम्मी मेरी किन्नी शैल  
मन निं एह्दे बिंद बी मैल  
मन करदा इदी गोदी बेही जां  
पर कुत्थें इसगी इन्नी बैहल।






15.



आओ कुड़ियो राहड़े राहचै  
सदियें दी एह रीत नभाचै  
धर्म खूही ते धम्मा राहड़ा  
सारें कोला बद्ध सजाचै।



16.



चलो तविया न्हाई औचै  
कन्नै साख परबाही औचै  
बाहवै मांS दे दर्शन करियै  
चरणें शीश नुआई औचै ।



17.



नानी मेरी बड़ी स्याणी  
रातीं रोज सनांदी कहानी  
गोरा चिट्ठा चेहरा उसदा  
तुसली दी गल पांदी गानी।



18.



दादू नै इक तोता आंदा  
गल्लां करदा गीत बी गांदा  
चुगलखोर कुसै पास्से दा  
मम्मीं जी हर गल्ल सनांदा ।





19.



छेंह्दी-छेंह्दी बिल्ली आई  
चु'ल्ली पचौलै बैठी जाई  
नजर मारियै चार चफेरै  
खाई गेई सारी दुख मलाई।



20.



शैल सन्हाकी तितली आई  
रहोल मेरी उ'न्न खूब कराई  
चढ़ी घनाड़ै जिसलै बैठी  
नींदर उसगी डाहडी आई।



21.



भूं-भूं करदा मच्छर आया  
गीत सनाइयै मीं भरमाया  
पेई गेई नींदर गूहड़ी जिसलै  
जैहरी सुआ उसनै लाया।



22.



आओ-आओ बूहटे लाचै  
पर्यावरण गी शुद्ध बनाचै  
पीली-भुरसी धरती उप्पर  
सैल्ली चादर मुड़ी बछाचै






23.



फुल्लें दी असें बनाई क्यारी  
गुड्डी बनाई खूब सुआरी  
घाऽ तालिये दित्ता पानी  
फुल्ल खिड़ी गे इक्के बारी।




24.



चन्न ऐ किन्ना गोलमटोल  
रोज कराऽ तारें दी रहोल  
जेकर भाऽ ऐ तेरा मम्मी  
की नेई औंदा सादे कोल।




25.



तारे दी चढ़ी आई जान्नी  
गासै पर करदे मनमानी  
झिलमिल झिलमिल करदे चमकन  
नेई कोई लभदा इं'दा सान्नी।



26.



दादी मै'मी धामां जाना  
नमांऽ रेशमी सूटू लाना  
बीहा दे बिच भु'जां बेहियै  
दाल-भत्त ते अम्बल खाना।





27.



दादू मिम्मी जान्नी जाना  
चाचू आंगर सैहरा लाना  
तिल्ले आहली जुत्ती लाइयै  
मिम्मी घोड़ी चढ़ियै जाना।




28.



साढ़े बगदी रणवीर नैहर  
नगगरा जंदी सिद्धी शैहर  
बापू जी कन्नै उं'दे मिन्नर  
इसदे कंढे करदे सैर।



29.



सद्य कदे' निं छोड़ना  
भाएं रिश्ता पवै त्रोड़ना  
झूठ न जेह्ड़े बोलदे  
सदा मूंह उं'दे शा मोड़ना।



30.



आ दीदी होली खेढ़ चै  
भाबी गी बी अज्ज छेड़ चै  
बडले दी ऐ सुक्क-मसुक्की  
चल हा जरा उरसी सेढ़ चै।






31.



नित्त खेढना हरसना चंगा  
परसा जिंदू कइढना चंगा  
रौहग नरोआ तन ते मन  
गुवर मनै दा कइढना चंगा।



32.



तितली रानी तितली रानी  
फुल्लें उप्पर की मंडरानी  
रंग-बरंगे फंघ खलारी  
सभनें दे तूं मन भरमानी।




33.



मुन्ने ने इक कार बनाई  
सीटां लाइयै खूब सजाई  
बिच्च ब्हालियै दादी-दादू  
सैर उ'नेंगी खूब कराई।



34.



नद्यो-त्रप्पो परसा बगाओ  
आपूं हस्सो होरनेई हसाओ  
नुस्खा ऐ एह् खासमखास  
मुफ्तें अपनी सेहत बनाओ।





35.



दस्सो बहल बनाए कु'न्ने  
अम्बरै पर पजाए कु'न्ने  
बिज्र डरांदी किलकां मारी  
धरती उप्पर बर्हाए कु'न्ने ।



36.



तुसें बूह्टे खूब लाने न  
नेई जंगल जाइ मकाने न  
सभनें गी एह् गल्ल समझाई  
असें अपने फर्ज नभाने न।




37.



चलो बडूंगै पींघा पाचै  
रेशम-रेशम डोरां लाचै  
रुस्सी रानो अज्ज मनानी  
पैह्ला झूहटा उस्सी झट्टाचै।



38.



सोनू साढ़ा गोल मटोल  
खंदा नूडल, मोमोस चौल  
मनदा निं एह गल्ल कुसै दी  
ज्याणे गलांदे इसगी ढोल ।





39.



बागें कोयल बोलै दी  
मम्मी लरसी छोलै दी  
गुड्डू अजें तक सुत्ती दी  
दिक्खो अक्ख निं खोहलै दी।



40.



सोह्न्-मोह्न् करो बचार,  
गंद निं पाना अंदर बाहर,  
गैहलियां महल्ले रखेओ साफ,  
कदें निं होग पही कोई बमार।



41.



दोस्ती साढ़ी चढ़ग परवान,  
तूं हिन्दू में मुसलमान,  
मिलियै जेकर रौहगे सारे  
मंजल पाना होग असान।



42.



तौवा-तौवा एह् पढ़ाई,  
पेदी जि'यां गले च फाही  
सबक दना जे भुल्ली जा  
दीदी करदी खूब पिटाई।






43.



एह रुक्ख कु'न्नै लाया ऐ ?  
कु'न इसदा थढा बनाया ऐ ?  
छांऽ ऐ इसदी घनी-घनेरी  
कु'न ग्रांऽ तै सुरग बनाया ऐ ?




44.



इक खड़कन्नु डैडी आंदा,  
मूली घाऽ ते गाजर खंदा,  
दुख चिट्ठा ओह बर्फू सांहीं,  
मेरे मनै गी अत्त गै भांदा।




45.



दादी मिणी नित्त सना,  
चन्न ते सूरज दोरे भाऽ  
इक जागै तां दूआ सौंदा  
भलेआं बक्खरे इंदे सभाऽ।



46.



मानो बिल्ली आईं গেईं ऐ,  
लस्सी मट्ठा समाहीं গেईं ऐ,  
बहाली लैओ गोदा इसगी  
गूहड़ी नींदर आईं গেईं ऐ।





47.



बागें कोयल बोल्लै दी,  
कन्नें मिसरी घोल्लै दी,  
पैह्ला झूहटा रानो लैता  
पही कैंह इन्ना बोल्लै दी।



48.



टोर मानो दी बड़ी नराली,  
निलियां अकखीं बिच्च डोरी काली  
दुब्ब पियै, मट्ठा समाहियै,  
झट्ट-पट्ट लैंदी मूंह छपाली।






साढ़े बागें बूहटा नाखें दा,  
 आडू अम्ब ते दाखें दा,  
 किंब बैर ते ढल्लन उच्ची  
 इक निक्का बूहटा आखें दा।



50.



राहड़ें दा ध्यार आया,  
 बेहड़ै धम्मां राहड़ा लाया,  
 फुल्ल-पत्तर ते इट्ठां फ़ीयै  
 रलियै इसगी खूब सजाया।





51.



अस शैल-सन्हाके परिंदे आं,  
नेई माहनुएं सा'हीं दरिंदे आं,  
भरी डुआरी उच्चड़ै गास,  
अस करने हिरखी धंधे आं।



52.



हिरखी दीए बाल्ली रक्खेओ,  
सभनें दे हित पाल्ली रक्खेओ,  
बैर मनें चा कड़िढ्यै भलेआं  
सांझे ईद देआली रक्खेओ।




53.



कल बागें खेढन जागे,  
यारी बूहटें कन्नै पागे,  
सम्हाल करगे बड़ें दी  
किश नमीं पनीरी लागे।



54.




आओ पते दी गल्ल सनांS,  
 एह धरती साढ़ी सांझी मांS,  
 जंगल जाड़ ते रुक्ख बचाइयै  
 करचै इसगी ठंडी छांS।





55.



रामू ने इक खेढ़ रचाया,  
कुक्कड़ै कन्नै कुक्कड़ लड़ाया,  
घायल होई गे लड़ी-लड़ियै,  
ऐसा दौने उद्धम मचाया।




56.



गैंs अगड़ी होर बधानी ऐ,  
कीमत समेंs दी असें पानी ऐ,  
तज्जी आलस, करियै मेहनत,  
हर औकड़ सैह्ल बनानी ऐ।



57.



कबूतर करदा घुटर-घूंऽ  
कुक्कड़ बोल्लै कूक्कड़ूं-कड़ूं,  
कालू, बिल्लू, टोह्लो जागे,  
सुत्ता मिट्ठू उट्ठग कदूं ?



58.



एके दा आओ गीत गाचै  
अमन-शांती दे दीए जगाचै  
मिटी जा सारा बैर-बरोध  
ऐसी कोई रीत चलाचै ।





59.



માંS ચિલ્લે ઘ્યૂર પકાંદી એ,  
ભત્ત મિટ્ઠા મેવે પાઈ બનાંદી એ,  
કદેં થોથરુ, કદેં સકારાં,  
બડે લાડેં-લાડેં સ્ખલાંદી એ।



60.



घसूतड़ियां लांदा गिल्लू आया  
दंदू उ'न्नै ऐसा खबाया  
फट्टी गेआ फलूस जिसलै  
करलद् उसनै डाह्डा पाया।




61.



शैलू ने इक बिल्ली पाली  
टोर जिसदी दिक्खने आहली  
दुख निं जेकर थोए उसगी  
दिखदी ऐ डेहल्ले गुआली।



62.



उं'दा नां में इं'दा खाना  
मांस में फुलका थिंदा खाना  
डंड बैठकां कड्डी-कड्डी  
में घुलने गी छिंझा जाना।






63.



म्याऊं-म्याऊं करदी मानो  
नेई कुसै शा डरदी मानो  
लगदी भुक्ख जिसलै इसगी  
झट्ट चूहे फड़दी मानो।




64.



ਅਸੇਂ ਝਿਡੀ ਦੇ ਮੇਲੈ ਜਾਨਾ ਏ  
 ਉਥੈ ਰਜ਼ਿਯੈ ਭਾਂਗੜਾ ਪਾਨਾ ਏ  
 ਬਫੀ, ਜਲੇਬੀ ਤੇ ਕੁਲਫੀ ਖਾਝੈ  
 ਫਲੂਸੇਂ ਗੀ ਨਸ਼ਾਨਾ ਲਾਨਾ ਏ।



65.



साढ़ी गैहली हाथी आया,  
दादी उसगी केला खलाया,  
दादू कराई सुआरी जिसलै  
मजा मिगी डाहड़ा आया।



66.



आओ मिलियै करो बचार  
रक्खो साफ घर ते बाहर  
रखड न जेकर सारे ध्यान  
होग निं कोई कदे बमार ।





67.



झूटे ते झटारे दे  
नानी मिगी लुआरे दे  
रोज लाड पैरें तेल  
कन्नै गिरी-छुहारे दे।



68.



मम्मी दुधु भत्तु मिगी खलाऽ  
होर निं मता मिगी रोआऽ  
ढिङ्ङै च मेरै नछान चूहे  
एह कोई कैसा बनेआं फाह।




69.



दादू मेरे बड़े चंगे  
दिंदे टाफी बिना मंगे  
मम्मी झुंड कड़कदी उं'देशा  
औंदे निं ओह बिना खंघे।



70.




असेंगी केह फड़ना उ'न्नै  
दुख्ख दही निं खाना जि'न्नै  
बिंद दौड़ै तां थक्की जां  
फल-फरुट निं खाना जि'न्नै।






71.



राहड़ें दा जदूं तेहार आया  
मम्मीं ने इक रुट्ट पकाया  
अम्ब दुहाने ते ककड़ियें नै  
सुआद सारें रज़ियै लाया।




72.



आई लोहड़ी ढोल बजा,  
लगे छाबे बजार सजा,  
निकेँ जागतेँ हरण चाढ़े  
बड्डेँ नचाया खूब छजा।




73.



मम्मी नै इक टोलो आंदा  
केला खंदा ढोल बजांदा  
बौहदा निं ओह कदे नचिल्ला  
नकलां लाइये खूब हसांदा ।



74.




कांमां-कांमां आई जा  
 शैल खढ़ाली देई जा  
 लाडो साढ़ी सेई गेई  
 एह्दे सुखने शैल सजाई जा ।






75.



कु कु प्यारी आई जा  
गाना मिगी सखाई जा  
आखगी जो तुगी खलाड  
सुरें दा ज्ञान कराई जा।



76.



चुरमुर चुरमुर चिड़ियें लाया  
 कुक्कड़ै रौला बक्खरा पाया  
 आलें मारी थक्की मम्मी  
 सुत्ता बिट्ठू झट्ट जगाया।



77.



बिल्ली मासी बड़ी खराब  
चूहे खंदी बे हिसाब  
डब्बू जिसलै घर निं होंदा  
चक्कर लांदी बनी नबाव।



78.



इक मदारी मेलै आया  
टोलो ढोल बजाई नचाया  
मारन ताड़ियां नछन ज्याणे  
बड़्डें दा बी मन परचाया।






79.



बड़ें दी सिक्ख, आमलें दा सुआद  
असर दौनें दा खाने दे बाद  
सच्च गलाया, करेओ जकीन  
गंढी बन्नियै रक्खेओ याद।



785



पुस्तकालय विभाग, जम्मू  
जम्मू के विभाग, जम्मू  
जम्मू के विभाग, जम्मू  
जम्मू के विभाग, जम्मू

७८५





- नांऽ : सुषमा रानी  
 माता जी दा नांऽ : श्रीमती शकुंतला देवी  
 पिता जी दा नांऽ : श्री आत्मा सिंह लंगेह  
 पति दा नांऽ : श्री राजेश कुमार  
 जन्म तिथी : 12-04-1971  
 जन्म स्थान : राजन थाथी (जम्मू)  
 व्यवसाय : सिनियर लैक्चरर  
 प्रकाशिता रचनां : 1. डोगरा लोक संस्कृति - लेख संग्रैह  
 2. कड़वे घूंट - नाटक (हिन्दी अनुवाद)  
 3. आओ खेढ़चै - नाटक  
 4. रूप बसंत - लोक कर्त्थें दा संकलन  
 5. ढां दिल्ली दे कींगरे - डोगरी अनुवाद



**Highbrow Publications**

78/11, Bari Brahamana, Jammu